

NOTAT

GÅR TIL: Styremedlemmer
FØRETAK: Helse Fonna HF

DATO: 22.04.16
FRÅ: Administrerende direktør
SAKSHANDSAMAR: Olav Klausen

SAKA GJELD: **Bygg Haugesund 2030**

ARKIVSAK:
STYRESAK: **021/16**

STYREMØTE: **29.04.16**

Administrerende direktør si orientering pkt. 7

Styret i Helse Fonna HF gjorde følgjande vedtak på styremøtet 04.04.16:

- 1. Styret i Helse Fonna HF tek Konseptrapport med vedlegg for Haugesund sjukehus til etterretning*
- 2. Styret i Helse Fonna HF godkjenner at Vestalternativet for Haugesund sjukehus blir vidareført til forprosjekt*
- 3. Styret i Helse Fonna HF ber administrerende direktør sende vedtak og konseptrapport med vedlegg til Helse Vest RHF for vidare handsaming*
- 4. Styret i Helse Fonna HF ber administrerende direktør ivareta dei punkta som blir nevnt i KSK rapporten og halde styret i Helse Fonna HF fortløpande informert om det vidare arbeidet.*

Etter styremøtet har administrerende direktør sendt saksunderlag med vedtak til Helse Vest RHF.

I utlysinga av kontrakt for konseptfasen var det tatt inn moglegheit for opsjon for forprosjektfase. Det er gjennomført ei juridisk vurdering av sjølve opsjonen hos Helse Vest innkjøp HF. Administrerende direktør har til hensikt å utløyse opsjonen etter vedtak i styret i Helse Vest RHF.

Administrerende direktør har informert Sjukehusbygg HF om vedtaket i styret i Helse Fonna HF og oversendt alt saksunderlag. Administrerende direktør har invitert Sykehusbygg HF med

i vidare prosess og foreslått område for samarbeid med byggføretaket. Det har vore, og vil vere løypande dialog mellom prosjektdirektør og Sykehusbygg HF i forprosjektfasen.

Administrerende direktør vil innarbeide kommentarar frå den eksterne kvalitetssikringa i prosjektdirektivet for forprosjektfasen slik at dei blir ivaretekne i det vidare arbeid.

Døme på dette er kommentarar knytt til mål og avgrensingar, gjennomgang av dei programmerte areal til operasjonsstuer samt samfunnsmessige analysar.

Kvalitetssikring av dimensjonering av sengepostar og poliklinikkar i nybygg vil bli ivareteke i ny pasientframskriving og vurdering av behov når byggetrinn 2 nærmar seg fram mot 2030.

Administrerende direktør planlegg å starte forprosjektfasen mai 2016 og har som mål at den skal ferdigstillast før april 2017.

Administrerende direktør vil informere styret i Helse Fonna HF på kvart styremøte om framdrifta i prosjektet.

Det er oppretta ei informasjonsside for prosjektet på internett med adressa:

<http://www.helse-fonna.no/no/OmOss/Bygg-Haugesund-2020/Sider/default.aspx>